

國朝常州駢體文錄

國朝常州駢體文錄卷第三十目

汀鷺文三首

陽湖楊傳第聽臚

擬顏延年赭白馬賦

并敘

武昌瑞麥頌

與范少蘭書

問奇堂文八首

陽湖蔣日豫侑石

白鞠賦

瀛壖雪騎圖贊

并敘

井竺泉咒筍圖敘

橫山艸堂集敘

丁孝女靜蘭遺橐敘

小洞庭春泛記

瞿孺人誄

并敘

黃甥節生哀辭

南陔堂文四首

江陰夏燁如永曦

豫園賦鈔敘

代

章雲巢滌香移遺詞敘

孝廉王唯菴先生誄

代

陳新圃封君誄

悔餘菴文二首

江陰何栻廉防

辭慰農司馬香艸閒情詩敘

餘辛集自敘

游養心齋文一首

武進管樂才叙

亡妻徐孺人誄

并敘

國朝常州駢體文錄卷第三十目

國朝常州駢體文錄卷三十

汀鷺文

陽湖楊傳第聽臚

擬顏延之赭白馬賦

并敘

天之生材必有所用地不愛寶必當其時是知馬符乾象
駟應房星爲聖德而生卽帝心所簡豈直驪黃遊牧騶牝
充閑而已哉我大宋之創業也內撫諸夏外綏百蠻朱英
紫脫秀挺中唐露犬純牛珍輸異域爰有赭白常駟桑輿
神物旣來羣材皆下表象應圖和鈴中節感恩祿廩委意
馳驅雖齒有歷年而志在千里旣得終於華殿遂斂形於
敝帷駿骨長霾皇情惋惜乃命侍從體物爲文小臣不舉
敢陳梗槩其辭曰

有宋受天明命肇造丕基聲教暨於五服威棱憺於四夷

合八九而校德兼三五而同規亮觀光而揚烈迺累洽而
重熙昔地符洩祕龍圖授義王會徠遠茲白獻姬彼稟姿
之逸異自邃古而著奇實鍾駿於月精竝方駕於雲螭所
以佐巡靖備燹時文稱其德武尙其威洎聖祖之龍飛總
要荒而懷德旣方物之畢獻亦貢珍之秀戾大內則寶帙
盈衍外府則碧帑積璫伊天馬之西來掩冀羣而寡二高
八尺而爲龍差六種而稱驥蓋河書之遺矩良日稷之疇
瑞是用處以國阜配以器車范氏施御伯樂跗輿比宗器
之什襲羌其齒而超攄徒觀其賦性剛淑逞態雄傑同毛
綴膺赭汗濺血權似璧縣眸如鏡徹天骨外森蘭筋中結
譬丹於霞況白於雪桃粦慙冶霜紈韜潔控勒星流鳴鞭
電掣輪臺且辭江介晝輟箭雲遙來噓沙竟絕若夫巡嶽
采政省方觀俗效天禮祇耕藉祈穀考帝者之上儀覽前

代之芳躅設貳轄於重輪展飛輪於疏轂出天駟於承華
駕靈虬於中服箬以樊纓飾以塗纘金銔葳蕤玉璫雕縵
初龍俛以裴褰遂鸞盼以瞻矚陵飛燕而超驤循驚鴻而
迅逐追若木之銳景轢飛廉之絕足惟合度於周旋故不
憂乎奔觸至若天高氣肅霜隕艸黃徵騎平樂習馬長楊
集豪選臨廣場設行所開射堂拉鐵追風跨鞍奔電初入
埒而宛在歟遊目而不見疑長虹之蜿蜒信神龍之矯變
振弓月於駭纒裂棚雲於驚箭噴赤沫而沾衣喋紅塵而
繞殿觀者愕眙天情彌眷餘足猶踬雄志未發厭迫脅於
中達跼羈縻於絳闕思塞艸而踊騰遡朔風而咆勃將欲
嘯侶晨風命儔飛翮朝案節於暘谷夕弭御於月窟望瑤
臺於須臾尋瑤水於倏忽軼軒夢之神行轉造御之轍迹
然而游豫有度埏埴無垠方將葵萬民之殷屎曷敢逞一

人之雄心天子迺罷觀游簡幸臨思國恤勒虞箴神穆穆
德愔愔翱翔禮園并包書林戒棄奔於秋御惕犯威於清
塵蓋防危於安弭患於豫馭不敗於朽索馬不蹶於詭遇
齒算有加恩隱異數擇善牧於校人輟上襄於鑾輅想襲
養於萁年終寄心於騁驚少盡力於長途老瘞骨於荒路
帝念雖殷奇質長仆亂曰聖人有德八方順兮藩國奉聘
遠輸責兮良馬填廐駟充牣兮鷺鳥累百一鸚振兮有異
二龍超八駿兮服御從志車安軻兮秣苞歷年竟身殉兮
澤馬昭應庶更進兮

武昌瑞麥頌

謹按漢儒董仲舒曰春秋他穀不書至於麥禾不成則書
之以見聖人於五穀最重麥與禾夫重之而書於經則夫
播種於秋而無後時登實於夏而無不給農夫之慶何以

加茲若夫豐稔均矣和氣充溢米然移動植之性卓然箸
爲瑞物斯尤曠代一見流芳前策者也先是武昌比歲不
登知縣張曜孫募財豪家請命大府擘畫荒政至周且詳
民以生活

今上嗣服休徵婁臻

聖德沖撝不言祥瑞是以靈迹涵祕華平朱艸奇葉珍柯
之屬中外莫得知之而武昌是歲有一莖兩歧之麥知縣
垂愛在民忠於所職不敢貪神貺以爲己華武昌士民熙
怡說豫僉謂

天子仁孝之道所致知縣能宣

上德故應於斯土爰構亭於邑之西山以紀其事夫豐年
大瑞也嘉穀至祥也景從表瑞從德知

皇衷之曩感焉豈弟君子神所勞矣知有司之勤民焉異

日潤色方志增成故實將以垂諸無窮豈可輟歟于是陽湖楊傳第爲之頌其詞曰

九職尙農八政先食迄用康年俾民稼穡周禾同穎鄙黍二稔晒哉滕策允矣靈符於穆

聖皇龍飛潛邸闡澤丕融多稼茂止沔彼鄂渚滋我公田易饑而稔主聖臣賢福習效靈來牟降福一穗雙歧是名嘉穀坤黃外煥賁白內臧民以爲食年壽孔長昔也惟張漁陽課最今也惟張西山志瑞德懿於棠瑞昭於麥頌儻在亭謳思在陌地不受寶年惟婁豐永勤首種以獻

蒿宮

與范少蘭書

少蘭足下別來行復六月徒以負擔鮮暇尺書未通非無采葛不見之悲而忘子衿詒音之怨也年光易徂近修精

進幸甚幸甚傳第報罷南歸枕席未煖不能家食迺走豫
中佐俞子襄學使之幕受聘之明日遂從後蔡發軔大梁
歷陳宋之郊度輶輳之阪牽犁之騾驟用服輓南畝之子
責以御車覆轍崇岡陷輪深淖每踰絕險如獲再生若夫
侵星赴塗迎月適館商飆刺骨寒露霑衿西山移晷乏恆
斟以療飢東道致飧對饌簋而輟食泊乎輶軒弭節斗室
分曹甫離風塵卽事襄校巴人東野千喙齊聲顰蹙離春
殊類共態而欲求淶水之曲簡南威之容屈此何辜信彼
何美往往纖阿畢景未得就牀曾泉嗣暉暫容隱几夫金
丸投竈玉璞抵離輕用良寶見嗤古人顧自維此身事畜
攸賴求粟爲養敢告勞邪生年幾壯爲學未成旣累纏牽
益就荒落班生之筆欲投不能介子之觴雖操若棄箸述
廢於多病記誦忘於遠遊疑義無所與明高談無所與展

嗟乎少蘭有志之士輒苦難成無名之疾何待沒世足下
停雲燕薊假館竹林綜貫百家覃思三古宜力崇令名早
成精詣無使金貂之珥歆其素心玉楮之刻玩茲流景北
地苦寒爲道自重疏華有惠以慰遠懷傳第頓首

問奇室文

陽湖蔣日豫侑石

白鞠賦

攬秋萼之煜燦紛條穎而棄時蓉織裳而霞媚棠弄佩而
煙滋伊落英之濯濯抱孤悶而明思羞黃金之鑄色映皓
玉以呈姿故其清輝泣露瓊裝敷景鶴潔掩嬋蜨寒輸粉
風過酒而說魂月當籬而尋景於是搴自東皋供之湘席
研小香團燈涼水碧波澹澹而一芳玉玲瓏而千刻嚼瓊
藥以腴騷持涼雲而餉客羌獨處而無言賁璫章而特立

若夫苑氣朝陽百卉俱芳競夢紅而浴碧對酌紫而抽黃
明珠春作幄華燭夜催觴悵佳人之信杳惜榮落之何常
爾乃肅律告嚴絳華蕊亂蘼蕪綠兮山翠寒西風急兮蛩
語斷歎流水之不歸對斜陽而送怨顧弱質之不靡胡紛
淙於馳湍弄霜雪而孤嬉竚青窻而結伴俱宛轉以隨時
貴貞心之無愧遂爲頌曰繁彼白華同心臭兮瑤漿碧葉
緇而不垢兮雕華騁妍心斯咎兮惟春滋芳盛易守兮惟
秋肅物而特茂兮采兮采兮與騷人而同壽兮

嶽瑞雪騎圖贊并敘

癸亥冬日豫始謁孟卿先生於武清王慶坨軍次時則霧
鳴青邱星茀元樞申同澤以卽鹿正威弧以直狼先生承
辟戎廬實綜儲峙廚承壺土之計亭公弩父之籍煙列雲
委日會月要有劉支使垂鞭之敏張侍中借箸之明用得

霜氣鼓作天威鏖照巨憝就殄司常最勦逐躋右階來守
雄郡燕侍期密紆尊道舊聞出茲卷命綴荒翰益作於麓
愷之後一年越今又五禩矣滄熱載更聲績彌劭記事本
末具見自敘徵實傳信毋煩贅宣獨慨潰防始於濫觴縣
霽可以穿石微不宜忽振古可鑒乃使弋潢嘯弄挺災近
畿旌門撻伐曠閭縣稔師武臣力幸而集事然大帥劬慮
于上介士奔命于下司寒戒旦元陰告中猶復征輶邁舉
武節迅厲有甚瘁不敢卹者孰致斯哉此先生所以述往
事昭來茲願司牧者宗原應變不爲禍始第云代勞人蘆
蘇感征夫楊柳知非思所存也謹就闡釋系之贊辭辭曰
文淑攬轡孟堅刊銘首公建規爪士稟成驚蓬振沙禿樹
甓漢采馨隰華勵志久爨告策勳府典芻大都威桀鴻耀
仁駟鹿扶時幾敕衷歲寒示節紙敝墨渝此圖勿泐

井竺二泉罨筍圖敘

夫使一叢兩叢千箇萬箇寸碧笑墮奇青晝浮醉買茅屋
之春遠振柯亭之響則倚來薄袖日暮生寒寫以孤琴風
流足賞又何必方尋繙地氣阻干霄作雲夢之胸吞造泥
犁之口業不知禪參玉版曾少呼飢品受金輪都歸解脫
乃欲斲老鑿之計助法秀之詞想竟非空鼓將誰賣如竺
泉者齷根耐樂枯木隨緣偶間煮水情牽爲話故山趣好
驚雷破枕羣披畫蜨之衣冒雨兜香小禁驕龍之盃六時
戲課一飯難忘是非借譜於無聲不且種因之有漏也嗟
乎風其吹汝綺債偏工日儻無君詩饒奚託所願仙身許
乞吾舌猶存同鸞杜老長饒更著華嚴妙論悉刪藤鼠林
間大有閒人請配粳豬米汁何妨頌佛

橫山艸堂集敘

僕間通諷諭者可以觀德備揚抑者斯爲彥才元覽可滌
寄通於好音文豔用章更澤於榮古漢魏而降能事鬱興
凡夫稱物芳負聲遠者胥不出此今有單慧汎剽小言連
芥規鉏未晰其圓撓埴遽索於涂蒙然張口如隨雲霧卽
或振采無忤疎韵亦邁而天植不篤終非由衷之言風華
相煽徒弋尙襲之誚吾友晉壬吳子誠恥二者程志能克
負稟又殊底究羣典噫其醇腴發揚冲稔備得斟酌故其
制成詩歌無遊辭無飾理爾雅深厚如讀孟堅之書芬芳
惟惻是爲騷人之佩加以和調不緣矜善若始腹間要亦
可采譏彈尤所嘗好抑然欲視密爾靡閒宜其控物自富
與古爲新焉獨慨文人相輕於今爲烈挾椎拍鞍斷之見
無盧牟亭育之量操縵未畢集矢已多同心之惟不終反
脣之道遞及幸復稍稍知重而敕約獨媚規模不遠千金

用享於敝帚五石適等夫虛瓠或得或失均爲無當夜郎
唯知自大季緒誠何足云使閭晉王之風當必爽然失幡
然改也

丁孝女靜蘭遺槩敘

嘗觀叔雄赴難川咽巴障女勝瘞志里配上虞而貞石契
於誼民寒閭表於茂宰規瞻彌峻相言勿章至若韋紗授
經吳軒寫韻亞清裁於團扇綜寶思於旋機才悟雖耽興
觀奚補欲求篤天澤之愛樹風議之司言德雙融中襟一
貫殊亟亟乎難之而乃今於同里丁孝女見之矣孝女抱
陟屺之悲誓及隧而見長言不足維以告哀所箸遺槩一
編益成於飾終之時而足動明發之寐者也嗚呼斷竹續
竹曠不聞乎嗣音縹蘭刈蘭迺竟符乎往讖淒音自厲眞
性難磨至今一再讀之猶可想見鍊霜宅豪祖颯振氣隕

心塊處撫柘棧以銜酸展睇山阿借薜蘿而寫景珠嘒照夕紈質鉏春固知無暇與東觀讀書北宮勢瑱紹光儷迹姬懿矜聲而翩若秋繄之輓焉得諉艸之語閱者咸爲屑涕聞者亦效景思以視更生所品宣粹遠所著輯徽徽益上人傳文傳是惟闢幽表潛之儒貞俗衡世之彥所宜爭題藻素焯此管彤若曰豫者性靈不居筆研且廢重以孝女尊人定甫丈郵書敦督堅不獲辭用就引申併開摧眷云爾

小洞庭春泛記

去鄆州城南三十里有小洞庭湖唐蘇司業之所游也司業以哀郢人才老青州從事誦懷沙之賦用紹遐心循縮地之方別開生面畔牢有託名勝斯傳僕緬五君之遺響蘭佩崇馨喜二仲之惠存落綦不沫爰以少日縱言嬉春

合太白之三人盪瀾紅之一舸芳樹裊蔭荒蘆刺姓無咬
弩而闌波鳬妥蘋而選夢喻欣寄寂窮治暢幽振柁數緣
漸闖人境新綠彌望媚茲古春白雲何來致有佳語載習
載引放乎中流天圓鏡中人卧席上明雪洗景煥香中人
高煙畫遠微吹瑟瑟之裊夢雨流空唱入便便之觴嗟乎
簪屐幾兩達士慨其生平秉燭夜遊古人詔之惜衰而乃
借地霾蔓問天擲句贈千秋以涕淚輕一瞬之光陰蟲自
號寒漚猶笑客生何當夫大雅沒亦謚爲至愚我輩本鯁
桀之吳兒作鶯鶯之盟主反騷何作訓水工談今雨舊雨
盜曠於爾音朝霞夕霞可助之賓戲請發手墨媵之羽觴
捉松互哦摘桀狂寫擲筆一笑扣舷而歌佳哉此遊遂以
永日乃命舟子理旋榜焉游氛載涂落照在地迴睇故處
翩來美人寸碧笑墮矯若水僂修眉迴浮如送歸客則所

謂蠶尾山也去湖西南又五十里云旣而劉子申孫作圖
吳生寶米錄詩其上仍索余記以當弁言時丙辰仲春十
有四日

瞿孺人誄并敘

孺人姓瞿氏心畬大令之女也粲貞蕤之枝服姑蓍之艸
睂綠蛾孕滄蓬慕僊脂黃蠶熏絹竹求史有美瓊琚之響
尤甄揚載之義佩聲承訓彌致其嫠嫗入宮治儀下逮於
煩攬有閨望焉靈教焉年二十歸同里吳君洽名族選也
方其金屏款夢玉鏡呈妍肄栗升虔繙芸佐讀雙聲阿儺
諧鈿韻於摩支一曲將雛洗珠徽於爨弄昔邪之房載啟
慎儂之謠不聞歲丙辰吳君尊人試令直隸孺人奉姑赴
官蒲張一颿蓬振千里采蠶有陟出沛之餞已遐歸鴻厲
音迴波之辭自織葢其婉變思舊實悴姬姜華齡易凋基

於此矣燕地苦寒服食恆左歲月絲歷消中益深靈檀斟
其委灰澤蘭忽其重感平陽最惜叫轂音沈宛若遲來嬰
蜺茀動魂盈懷而制淚絲續命以無方卒于戊午夏六月
去幼女之殤纔數日耳吳君以玩婦高柔作傷神荀倩眉
愁繭繭景怯蛩蛩蒼壁空呵紅人自暈以僕謬塵感好寄
寫永思援我燁彤昭茲蒞素嗚呼一篇錦瑟易慟徂年再
世文簫愁聆秋唱粉娥娥而入夢香鬱鬱以長霾徒使別
雨結荒空山蕙歎賦哀蟬而曲斷招遠鶴以難歸此又不
特風人萋楚之詩秋士稠桑之驛爲足感也乃爲誄曰
舜華夕零奇檀老秀緯燼不齊端倪孰究懿歟淑姬令德
孔播嬪則圖甄師儀悅慕二十而嫁言歸於吳雖晨手盥
雖夕睂圖明珰歲長閨佩春剪胡俾景事遽悼心徂女子
有行窈窕善感滌葛詩催釣竿淇遠鳥唯越吟玉難燕煩

頓失嫖妍審茲繼繼霜酸露辛委殫含顰秋骨堪把冬心
不溫縹香錦脫量采珠淪三生有石一笑離塵屏山既張
帶水難越鵲唳弔春螢夢棲月秦樓煙紫楚袂波碧傷哉
陳人獨寄僑籍倚唯情儷過時勿遷桐綠罷軫粵黃閩陞
碑徵幼婦字耀明嬾音微載宣仍世而絲

黃甥館生哀辭

咸豐七年五月戊辰黃甥館生天於痘嗚呼殤宮遽執永
淹長夜之塗相宅空期徒製盈懷之淚含靈易促輟閔孔
多溯縣弧矢之初實撫栢棖之設甘泉畫象待拜於他年
周臺遺轂纏哀於終古而乃昊蒼不弔乾蔭俄乖凋風振
其故條望雲極乎祝栗零丁帖苦敕勒歌涼蓋未幾父復
緣事謫戍伊犁時也瑣尾流音童牙無告遂援康公自出
之說遠體趙氏存孤之心念此化離綽有韶令陳畱述德

冀無媿乎客兒永明論文終當歸諸阿士不謂寄生桑短
傾刻等空鬼錄奄登胡香不返嗚呼孤生猶靳朝氣不升
積七載之護持付千秋於冥漠謂余不慟能邪否邪爰綴
小文以爲幽告其辭曰

溽暑乖和餘陰迂節湮鬱所丁隕此弱息惟此弱息稟數
逢奇覽揆失恃多難靡依邠卿匿亾康伯寄外曾是古人
尙克爾眉洗桃作醢折節傳書朝嬉夕遨善慰起居胡命
不融遽厄爾疾照藥珠傾騰昆玉折九京仞母萬里尋爹
良遂營魂亦又何嗟湛湛蘭尊翳翳蓬顯爲歌大招風寒
日燈

南陔堂文

江陰夏煒如永曦

豫園賦鈔敘代

僕懷鉛有志剖璞未能養拙衡門投奇故紙半窗綠上翫
夏色之蕉分一闥青排飮秋情之山送視彼釣鼇滄海斫
鱸蓬池登芸閣以摘華步攀磚而闢麗者境地殊矣意與
判矣然而研屈宋之清辭則袞靈暢適讀馬班之鉅製則
神采飛騰嗜好所深塗徑略辨竊謂斯事造極良難捉要
而言則劉舍人鋪采摛文體物寫志二語爲不可易矣何
則勃窣婆娑之狀非所施於廟廊泫岬蕭瑟之音難以登
諸韶濩倘遠宗島瘦而轉斥韓豪未接謝清而先譏顏癯
勢必強春日以效歸藏捐江水而同大傳采旣不鮮文將
盡隱一隅是執九變何期又或任意揆張縱情漁獵語矜
華貴相取莊嚴襲孫叔之衣冠傍霍侯之門第音符趣別
慧如鸚鵡之車文是質非采等麒麟之植物遑曲肖志更
安存奚免詭誕終殊妍手僕杖此導師遍窺諸作按歸昌

而較律妙契咸英邇元圃而求琛易逢珧琬采掇有年堆
積度寸每當斜月在牖輕飄拂簾茶煙裊青鐙暈凝碧則
信筆點勘隨意吟諷一字刮目寒煤因之助香片語馱心
癰鶴感而對舞千金是享藉以課兒百袖方慙敢持問世
而同學張君月槎見之偏以爲鑿有心得宜付手民從臾
殊殷辭讓不獲用是略加整比請質高明剗劘旣竣聊識
其緣起如此

章雲巢滌香筌詞敘

夫青陽應律則山幽水曲俱覺融怡素琴奏聲則鸞吼鵬
爭都歸蒞藉是以錦衾角枕言情莫婉於唐風砥室翠翹
體物彌工於楚頌必謂鴻文質樸無取蘭茝至惜敦龐奚
資輦輓竊恐春筍明媚難禁苦雨嚴霜秋月玲瓏只配湘
簾蘄簞情有所適境有所宜知此者然後可以觀雲巢章

君之詞也雲巢瑤源自清慧業獨秀學賅乎七略而人校
不形才擅乎九能而淵冲愈下率循庭誥負荷門基固將
致身乎石渠金馬之間舒藻乎薇省槐廳之列而乃駢躡
坐縹鵬翅空垂馳桂苑而猶虛望蓬山其尙遠此則穉芙
蓉於江上不無遲暮之嗟蒙薜荔於山中終裒險難之怨
者矣至於夢徵炊臼詩咏斷簾紡磚驚別鶴之歌金屏皆
擁愁之地繡成比目疇明育育之魚噉出雙聲孰是同同
之鳥撫空牀之長簾潘騎省所以悼惶觀落葉於古槐元
丞相因而怊悵又若梅里泉甘蘭陵酒美溪環虎阜單舟
疊舸之鄉住近金閭擬管調絲之會衫輕扇小釧動珠搖
月照影以皆雙風吹香而不斷散氤氲之使鴛牒三千載
歡喜之九鹿車五百杜紫薇鬢絲禪榻偶爾句畱李青蓮
寶髻山鵲無端棖觸矧復韶華水逝節序星流春歸而紅

豆先肥秋至而青落暗老雕闌小倚綺思紛來臺絮何因
寄遐悰於研北牽雲有夢傳密藻於粵南早燕新鶯于卿
任事曉風殘月忍俊不禁於是陵繩鼓弦鍊霞作字織文
錦於九張機上穿明珠於一絡索中蒨絢則威鳳苞鮮清
復則元鶴格瘦竹屋簷洲之麗猶將傲以脩閒玉田石帚
之奇何礙加之絲邈也乎煒如蠹慚枯腹蟬媿空螯雖從
事於弦歌未究心於琴趣猥頒瓊什督以譚言藉蕙開楫
盥薇雜誦盪煙雲於胸次鏗宮徵於牙端蔚然而霞想生
泊爾而塵勞滌臂彼光瞻舍利固目眩其青黃猶之林入
旃檀祇心欣其醖醇而已

孝廉王唯菴先生誄

代

嗚呼歧途紛互正路荆榛不有先醒疇埽厥塵不有大雅
疇扶厥輪一髮之繫重于千鈞繫惟蒼昊覆物斯仁如何

中壽殲我哲人嗟我哲人天挺秀淑弱能強立慧而勤讀
儼室千卷鄴架萬軸旣繹旣紬以精以軌經笥方邊史腴
比服擷其英華醞爲醴郁吐辭泉涌下筆飄馳導以霓旌
翼以桂旗晨葩燦若秋月淒其愉令人說戚令人悲妙莫
能匹捷莫能追鳳采彌章鸞音自遠珠媚重淵蘭芬九畹
始雋芹宮旋登桂苑風翻方培霜蹶未晚雲路非遙蓬山
奚晚戢羽遄歸收華遽返匪卑宦轍實戀庭幃蘭馨飴潔
是瞻是依萱新榆舊何去何違愉愉愛日婉婉慈暉康虔
綰綽綽敦用祈通菴廩壽夙夜庶幾世載清芬風仍儉素
饌設常疏衣裁大布橐飫可刪珍裘弗御詎刺夏屋乍歌
葛屨斯酒一尊宵鐙一炷盡許高談何妨小住懷雖霜凜
量則波涵解衣推食分少絕甘風人雨人惟力所堪振乏
濟厄至再至三古說斯篤仁心載覃惠洽鄭鄉恩周阮南

性樂恬和力忘劬勤洗竹躬親裁琴手試茗椀評量研山
位置芸辟蟬紅落芟螺翠蚊曉新辭蠅頭密字不待鳥催
猶辭鶴睡論人以道逮下惟和周遭樾蔭汪濊恩波祇聞
照育何有煩苛律身廉直與俗殊科門牆斗峻節概巍巍
介石易筮伐檀詩歌經義之興權輿趙宋自明以來勢成
積重迂者拘墟夸者放縱戶習浮華人矜記誦飾若埴塗
紛如聚訟徒駕虛車奚裨實用惟我夫子爰恤爰矜津迷
結筏室暗然鐙樂分雅鄭水判淄澠彼嗟餒餒飲以飭烝
此苦熱惱飲以清公五臧蕩滌迺無寢癥爰進蔭苓輔其
元氣爰子淖糜和其腸胃鎮以五石養以五味勉使弗衰
激使弗畏酌理爲經摛辭爲緯始舍孱厖漸趨蒼蔚梁陰
咸託岱麓羣瞻但深鑽仰孰罄高堅方圖耆艾永侍恩愆
豈期檇昧見絕于天師資聿杳模範云湮靈光頽矣少

微實焉嗚呼哀哉艸悴鄭庭藜燔劉閣鵬鳥占凶龍蛇讖
惡堂闕金絲山沈木鐸咽愴嘯鵲弔悲舞鶴城也誰施艾
也誰灼若霧若霏孰清孰廓嗚呼星燮斗極道塞夷庚載
瞻載仰昏墨如盲載馳載驅拳跼不行溪毛在俎旨酒一
盛雖奠之薄而心則誠鑒茲哀愍降于兩楹

陳新圃封君誄

維咸豐五年歲在乙卯六月十四日乙巳

皇清誥封奉直大夫候選按察司經歷新圃陳先生卒於
江陰里第春秋七十有六邦寶耆碩人思典型間赴忉怛
爲位而哭嗚呼哀哉先生鍾世緒之淵邃稟山川之淑清
愔定發聞乎始髫髻茂良馳聲乎壯歲醇謹弗渝乎奮盛神
明益懋乎旄期隘不厲物廣不踰禮通不徇人介不違俗
門基孔厚而常以巽順居心物望攸歸而特以謙卑勵節

終由積累漸致豐融若無若虛彌戒彌慎眇輿馬室絕
姬媵饌屏珍奇衣袼毳麗獨至愆陽告沴洪潦爲災軍警
遙傳士功猝起則必褻然舉首弗吝重貲若遇禮名流扶
美質矜難隄卹飢寒尤唯恐間見之勿周而懇誠之難達
也處己如彼待人若此宜臻耆鮐永庇邦族昊天不弔奄
離此殃行路咨嗟所知標擗嗚呼哀哉令子常博與某交
聯文字契結稔靈遂以宗盟進窺家範誅長之僭所不敢
辭誄曰

猗歟陳宗有虞苗裔敬仲奔齊昌占五世漢魏益蕃宰輔
相繼穎川六望唐宋所系赫赫崇武遷自維揚佐明立勳
始家暨陽侯封合浦遺澤彌長允文允武代有烈光迄佚
溪翁五經飽讀方舉孝廉先生始育哲舅踵武桂林寧馥
翁升甲科鄉邦旋復愛憐淑質聖籍口授若金斯礪如弩

之穀根抵中深枝葉外茂功紹箕裘業隆堂構雲衢將騁
乾蔭俄傾牛眠虔卜馬驥躬營哀枕蒞結俗務叢攬樂樂
貌悴總總神驚慈暉曲被謂且自持名場競捷非爾所宜
學貴實踐勿耑文辭三德六行罔勉求之敬奉話言是由
是釋積我婉愉冀親恬適絜膳馨飧匪晨伊夕爰逮黃髮
靡有更易離離淑儷德冠中閨鹿車手輓鴻案眉齊宵籌
弋雁旦警鳴雞偕怡壽母福祿兼躋初墜鳳毛繼歌麟趾
愛雖在心教則弗弛聆必正言遊必端士習慎染絲訓嚴
蹻梓服教膺誨展也象賢識達而正氣靜而專門戶之寄
庶幾罔愆乃委家政頤志林泉間居閉關抗心物外秋月
晶瑩春岑掩藹瑟瑟涼颺蕭蕭遠籟人徑扶筇虛廊解帶
琴歌酒賦茶半香初雅義展畫薑尾評書祕伴彝鼎珍等
瓊琚鄉傳畏壘國近華胥感舊促坐童冠旁侍懷抱云和

笑言任意遠按遺聞近討軼事欣然忘疲或廢寢饋生平
大節祛忘黜奢慈能造福刻豈成家期敦實行曷炫空弩
令終有淑貽穀無涯古人有言無德不報瞻巖何迫倉皇
來告芬澤誰畱大雲誰熏回溯光儀怛焉增悼嗚呼哀哉
存也處順仰望斯集沒也委化攀援奚及里醞雲愁巷奠
雨泣百齡景徂千載名立嗚呼哀哉我山城滔滔江流
哲人旣萎悵望松楸發言抒藻託之素旒儀型非遠誰嗣
誰侔

悔餘菴文

江陰何栻廉昉

辭慰農司馬香艸閒情詩敘

夢裏蘅蕪漢寢之遺香宛在吟邊蘭杜楚騷之幽怨如何
飛絮落鸞夙有因依之分倡條冶葉新畱護惜之緣是以

賦罷蕪城夢同芝館證果於陳芳之國乞靈於聚窟之山
吳質所爲長愁江淹於焉多恨也茲以德音鸞鶯之才仿
崔珣鴛鴦之什當眉寫翠繪絕豔於唐宮在髻爲釵締深
情於陶令三十段明光之曲挑徹琴心百一篇隱喻之辭
撥開豔耳玉溪錦瑟細數華年金谷瑤觴忽刊陳迹衿上
之酒痕已舊壺中之墨汁方新信春士之思多匪冬郎之
體弱固宜滌薔薇而雒誦嗅蒼荀以參禪矣有知名重姚
黃品妍歐碧樂珠絢景茗玉鏘聲小宋偷呼蓬山更遠前
劉復返藥徑旋迷泥油碧之車待小小兮何處灑綵灰之
酒喚眞眞而不應豈若椒風引笑蘭露猜曉添螺黛於雙
眉約雅黃於半額枇杷零下一往情深荳蔻梢頭十分春
滿蓉裳荔帶長開對舞之筵蓀壁蕙樓小拓臧嬌之屋旣
乃贈將芍藥開到荼蘼骨瘦香桃淚滋斑竹黃楊小兒願

願不聞之年紅豆叢生歷歷相思之種悵踈聲之遠遠綠
黯羣腰憐睡色之猶鮮紺凝袖角甚或綠華景謝絳樹歌
沈沒綦跡於苔階斂衽熏於盡篋玉鉤斜畔名寂寂以誰
題銀燭光中步嫋嫋而欲活春風榆莢猶飛買笑之錢秋
月苧蘿虛攝效顰之鏡是則新蕉抽卷難舒層疊之思斷
藕牽絲枉抱纏綿之緒返魂有術筆尖開押不盧粦微笑
無言座下契何耶迦葉如僕者在山遠志虛憶當歸出水
夫容翻憐獨活雲拋杖底尋葦撥以何年月墮泥中訊鞠
窮而如昨紅椒合口無語含辛黃蘗生牙有情最苦載繹
瑤華之唱如聆玉樹之歌記前事於紺珠悟後因於金粟
迭迷艾蒨三薰麗正之文茉莉素馨四照華嚴之界蒸成
芝菌於斯詹文字之祥佩當蕙蘇足以起幽憂之疾

餘辛集自敘

客有健於夜談者清尊湛若孤燈熒然雌黃百變雄白兩
全虞淵起凍寒谷生烟吞雲夢者八九納須彌者萬千足
使聽者忘倦倦者忘眠其言曰丹山無聲而鸞雀爭鳴白
澤無形而虎狼橫行敗絮救寒而無取矜纓粗糲解饑而
無待鼎烹殘羹冷炙而來奴僕之力爨泥朽木而起神佛
之名是豈物之性而人之情也哉螢生於腐艸蟬生於鬱
棲蠲者爲薪而成者爲櫛櫛流者爲沙而跖者爲厓隄耕
者無粟織者無衣巧者爲拙奴妍者爲醜妻衣褐者勇而
衣帛者怯食肉者瘦而食糠者肥不操斧斤而爲大匠不
諳方脉而爲名醫聰明寄於耳目而有無耳目之混沌行
動賴於手足而有不手足之支離鬼神遼矣而迎神送鬼
有其事天地大矣而踏天踟地有其時是豈天之道而民
之彝也哉斯時辨者橋舌訥者解頤腹誹者莫莫耳語者

期期余乃局然而笑曰客之所言盡於斯乎斯固陳思王步虛之唱博望侯鑿空之詞也天事不如人事之實今人不如古人之奇龍比以忠而獲罪奇已以孝而致疑以汲黯之直爲韞以顧凱之慧爲癡黃裳相攸而取執說荀卿傳業而得李斯諸葛之明不能救馬謖之敗桓範之智不能扶曹爽之危一縱一衡蘇秦之與張儀一功一罪文種之與范蠡譽阿而毀卽墨是跖而非伯夷項伯封而丁公徇侏儒飽而方朔餞退廉頗而將趙括相崔協而棄李琪成於蕭何敗於蕭何何亦不能自保貴以趙孟賤以趙孟孟亦不能自爲事有可解而不可解人有可知而不可知客曰止止君所謂屈靈均問天之辭盧照鄰點鬼之錄也寓規寄諷則片語已多闕捷誇長則萬言不足且辨於口不若辨於手說於耳不若說於目君何不詩之昌文之博

而第騁禪老之虛鑊振適人之敗鐸乎高談未終奇響忽作如笙如鏞出於敝簾舉手採之得紙一束理其叢殘十存五六可以助塵尾之談諧可以息蛾眉之謠諑可使陸雲狂笑可令唐衢痛哭如左太沖之賦可以覆瓿如薛保遜之詩可以換燭客乃攜之而起抱之而讀忽棘於吻亦蒿於目櫛之手民是爲尺牘

游養心齋文

武進管樂才叔

亡妻徐孺人誄

并敘

光緒二年四月十四日吾妻徐孺人卒嗚呼哀哉昔安仁哀逝痛長簾之竟牀奉倩傷神輟專房之歡宴矧伊懿嫩敢忘摧悼孺人倩盼爲質淑慎其儀外舅咸陽縣知縣徐公燮鈞起家甲科蜚聲循吏以重光單閼之歲生孺人於

鄒縣官舍因命曰鄒仲字釋眉十年不出以迄施衿雙蛾
連娟何嫌補繹其妣莊宜人生孺人後未嘗再有丹淵之
珠得一藍田之玉無雙用是鞠養尤勤愛憐特甚常奇此
女欲與貴人爲韓姑而相攸許韋皋爲可妻俾求繫援冀
作門楣幼女辭家輜駟粲兮先路婦翁憐壻筐篋爛其盈
廬竊疑生長華臚習成驕貴而乃入門毀飾屏侍斥妝宴
樂有節聽鳴雞而蚤興酬對無愆不獲雉而已笑先妣吳
太宜人性素嚴毅亦稱之曰賢焉無何顏摧席帽足繭芒
屨彼路爲難邛笮之程萬里我行永久葛蕭之采三年孺
人擣練風淒開匳月瘳機中錦字織寄回文頭上金釵驚
共問卜顧乃衿纓適所恐傷倚閭之心制淚承歡不作登
臺之望睠懷疇曩媿負良多迨乎狼燧旣銷鹿車對輓復
我邦族再立室家孺人井井米鹽勤則不匱惜惜門戶威

而有恩時遭先太宜人之喪載主而歸足爵兩簋羹湯如
事生之禮惡筭繆經哭踊有失母之聲日月不居霜露時
惕爲酒爲醴居歆極其苾芬采繁采蘋守職循乎法度昔
先太宜人奉先誠敬備物旨多論者以孺人克嗣徽音稱
其孝也余少喪子夏之明晚遇商瞿之戚孺人捐珩璜之
襍佩求箕帚於良家遂使婁空之夫乃有二姬之侍輯和
同乎蟋蟀均一類乎鳴鳩往歲孺子始生愛猶已出禮秩
如適保袞必親當縣悵之餘猶顧復者再今此哀哀喪次
瑩瑩弱肩雖襲衰其何知乃執紼者大說僉曰幸哉有子
如此稱其慈也族姻萃處遺問往來孺人酌家人之物恆
懲坤道之吝嗇有無匪勉隆殺以宜故其屬纊之日起於
所親或行哭失聲或言之於歆嗚呼哀哉於陵織屨室有
辟纁冀鉅薪田婦能饁餉以余貧薄遭世輟軻而牛衣無

對泣之傷鹿門得偕隱之趣我負子戴不佩徽而猶榮男
唯女俞無鼓鐘而自韵今則已矣謂之何哉嗚呼生也有
涯悲兮何極所天碌碌生無禴翟之華脩夜冥冥歿無姓
牢之奠佩環悽斷蘅蕪之夢不來帷幕空張卷施之心已
拔孺人性又至孝來嬪逾年其妣莊宜人患乳創甚劇歸
廬侍疾刲臂肉和藥進之以迄於終遂無所苦樊長魚吮
癰療母無損肌膚王仲眞割股節親乃出巾幘求之往昔
殆有難焉忽魂泣之盈懷竟石瘍而腐鄰天不祐善何其
酷哉在禮踰月而葬不敢久淹離離荒艸蛺蝶之臺自高
冉冉長年鰥魚之日曷瞑追爲此誄維以告哀其辭曰
娥月幾望爛星忽淪蒼蒼不弔殲我淑人胡禍之烈惟運
之屯日子不忘實在懿德玉潤金貞蕙心蘭質終溫且惠
柔嘉維則厥考作令善政在秦晚得息女作嬪寒門裳衣

百稱錦繡千純資遺之盛燕我新昏生長膏腴被服紈綺
貴不期驕富或逾侈猗嗟予美胡獨異是操作而前井臼
躬理傳經伏女續史班姑竝以婉孌能讀父書惟君慧心
克媲其姝組紉之暇時親載籍出彼故知起予新獲琴瑟
之好通乎麗澤春鵬秋蟀曉燕宵鴻寄情匪遠賦物彌工
倡子和女穆如清風蒙實不才婁遭世擯人或見羞子知
爲命負薪甘從下機致敬飢寒大難別離何有鴻鵠之志
馬牛其走征途阻修歸期淹久心懸陟屺職曠循陔方藝
黍稷孰進觥罍日月逾邁云胡不來江關失守烽火城隅
播越山海屯遘舟車人間何世有戚無愉電掃黃巾霧開
丹障消息遙傳井閭無恙忽覲閔凶吾親棄養投艱孔多
日食喪祭貧如罄縣泊若舟繫旨蓄禦冬湘蘭祀歲蓍余
強仕未獲監誓崇蘭庭晚玉樹儀庭泉無棄蒨藥待儲苓

憂在進賢周流媵女嘒彼小星其從如雨接見以時笑言
譽處莫莫甚覃采采芣苢惟家之祥居然生子手製錦綳
躬施瑜珣適我願兮靡室勞矣余媿德薄曷詒後昆惟君
令淑施及子孫呱呱在褰罔極銜恩提提左辟忍忘女君
奈何倚伏慶與殃偕豈其惠逆天與人乖奇痼暴作宿疾
靡差毒流間節痛切筋骸嗚呼哀哉如何斯人而有斯疾
婁易刀圭醫窮於術徧走羣祠神爽其質對案屏餐擁衾
增慄眴嗟見鵬淒切間鵲聰明耿耿喘息絲絲情無他戀
襁褓堪憐語無他及佩璫親捐雪隕春紅霜雕夏綠流光
不還急景彌促善胡召災仁勿膺祿未臻中壽四句有六
校衾旣設桐棺是陳抑情斂蛻託物招魂遺音仿佛畫象
難眞七寸之隔渺矣何垠殯子於堂謂猶在室卜葬有期
營奠將畢丹旒飛揚素車蕭瑟置之中野誰更親臨綠蘿

門巷當暑淒清碧梧庭院入畫杳冥人皆不覺我獨怔營
靈儻有知君其式馮被體之服覩君鍼縷衡耳之佩係君
纂組想彼摻摻成此楚楚巧儷神工用勛嬌女披書散帙
瀏覽遺文有造有寫或艸或真執翫周復如親笑隕手勞
於紙涕霑於巾調予食飲薑辛橘酸愼予起居裘溫葛寒
必我之適始卽於安今茲已矣能不沈瀾余好遠遊實資
內助曠年不還秩然家具今如羸馬將行卻步又若驚禽
方翔回顧余困於時不自雕飾惟君見知溫恭順則天之
机我如不如克與此區區奪之彌力嗚呼哀哉人生同盡
飄彭飄塲廬杖則惑鼓盆亦狂同穴之誓終焉允臧入宮
不見今茲實傷展禽諡惠其妻持議令嫺祭夫情詞哀厲
云何相反予祐不逮悲結於中言難盡意嗚呼哀哉

國朝常州駢體文錄卷第三十

國朝常州駢體文錄卷第三十一 武進屠寄

敘錄

昔揚雄論文旨歸於麗則蕭統著選事出於沈思誠以雕
渙之水不濯衛文之衣黃池之會無取越人之裸孔子曰
言之無文行之不遠潤色之業斷可知矣自楚漢以降騷
賦代作遺風餘烈事極開皇莫不圖寫丹青神明律呂被
龍文於綈縠發鳳音於珍柯雖體勢殊詭而情藻則一有
唐之始漸趨重礎昌黎起衰特改軌徹歷宋元明數且千
祀大抵客嘲賓戲輒摹管仲之流封禪河清翻同齊魯之
論無異擢剡剡以游錦水持畫墁而營建章適麗之辭闕
焉靡紀我

朝創厯光啟文明

聖祖直隴尤重儒藝康熙以來累試舉鴻博於是冠帶薦

紳之倫間左解褐之士咸吐洪輝於霄漢采瓊寶於山淵
雅道旣開類流益煽乾隆嘉慶之際吾郡盛爲文章稱存
伯鼎齊金羈於前彥聞方立馳玉軌於後皋文特善詞賦
申耆尤長碑銘諸埒麗之者亦各抽心呈貌流芬散條亶
亶乎文有其質焉於時海內屬翰之士敦說其義至乃指
目陽湖以爲宗派自時厥後清風盛藻嘗稍替矣然猶騰
蹇步躡遐軌振逸響盪餘波至於咸豐干戈時動弦誦暫
輟衣冠散散戎馬之足縑帛割製膝蓋之用華篇麗篆存
者什一不及今哀集將恐荅落殆盡後進英絕益靡所觀
放甚可惜也往者劉贊總鈔擷其華於蜀國虎臣推菰撰
文粹於吳都譬之國有風詩宜事甄采匪敢阿私吾儕薄
愛殊方爰就親故摭逸叢殘其魏編巨帙行世廣遠者則
更芟荊繇蕪技隨孔翠凡四十三家五百六十九首都三

十卷敘錄一卷爲

國朝常州駢體文錄敘曰具區之北大江之南是生竹箭
亦貢瑤金日常作州率唐詹今六代藻麗炳蔚遺風

聖清闡耀辭雕羣士人握靈珠家被文綺寢采眾製光我
桑梓檢討誕逸躬聞黍離枯樹搖落葛屨輶軻過時晚達
褒立上科英思泉發縟旨星羅末學刻鵠并遭詆訶錄湖
海樓文弟一侍郎雖容運休身顯鶴響蘭皋鳳騫紫漢紛
綸羽獵錯采封禪揄揚主德臣子之願錄思補齋文弟二
維

清四葉婁推蒲穀文恭善辭徵君無祿王生獻賦自結主
知孫公宦達亦際明時廟堂之作金石其詞錄味經高文
葉徵君文試駿堂文泰雲堂文弟三蹇蹇稭存陳義靡諱
忠悟堯舜遇熙逢比誕節光朝清標映世性別宮商體範

山水錄卷施閻乙集文弟四弟五更生齋文弟六增基峒
助積之俞隆一簣靡覆曷究曩功抑抑幼懷思禪雕龍體
微材弱扶此文棟錄齊雲山人文弟七子齡微出熒單孰
相旣衰疾思愆義方克躬懋學先業重光膏馥是得徒
累尤長錄清則齋文弟八伯淵貞介在勢不揉勤學上第
甘沈下曹天才夙練儒業中脩少作雖悔文采自適氣潤
金石律諧管簫存此逸響以振庸調錄問字堂外集文弟
九士安風痺昇之舉痼億孫貞疾葆德存素弭翼邱樊敦
心風雅華不傷雕樸不苦竄唯子居文變而彌古率意言
事亦追遷固錄亦有生齋文大雲山房文弟十份份皋文
經明行脩亦習詞賦揚班之儔鸞翮思舉龍駕未悠芳蘭
遽折神策不收孔懷俊弟祕穎妍適播殖清風竝茂繇條
錄茗柯文苑鄰文弟十一彥惟清立承家軌憲刻志頌聞

研圖注篆振奇之作思匪言蹇錄端虛勉一居文弟十二
經師易得人師實難惜惜鳳臺業廣志專錯綜象緯苞蘊
儒元翰藻之美張蔡是憲承生一體訓詁斯傳錄養一齋
文守丹文弟十三弟十四恂恂二陸相師父子外芼嬰交
內資侃母文絜秋瀾譽馥春芷尊做儒冠幼溺書記錄崇
百樂齋文雙白燕堂文弟十五蓉裳宗矩王後盧前遺柯
賈萼再植乃妍攄懷錦榮落紙煙新惟彼荔裳位達無年
接華先頓含穎未申亦有顧子共藝連嫻錄芙蓉山館文
桐華館文辟疆園文弟十六弟十七娟娟之水曲而善通
濯濯之莖纖而自蔥翠翠醇甫杼軸其工靚妝靜飾未羨
豐容錄尙綱堂文弟十八炳炳彥彥間厥體貌變上規永明
下逮貞觀口吐瓊言手揮珠翰麗而不淫博而有典元徵
安雅清則無倆錄萬善琴室文敬業述事之室文弟十九

弟二十子說朗達弱冠有文提挈令弟騁騫芳塵人畏其
筆我放其論善謔而虐君子勿敦錄移華館文弟二十一
其英方立冥心獨造類鏡川瀆仰格纏晷桑廊知疏葢髀
謝繆奇葩天麗雕篆雲縟含徐度庾陵江轅鮑體兼上材
年靳中壽錄蘭石齋文弟二十二晉卿善學酷似其舅飛
沫元淵拮華詞關哀聲含激逸情隱秀神駒服箱踈足中
道錄齊物論齋文弟二十三保緒三長是成晉略蕪葦芟
除治亂表襮斯才不易未登著作我懷伊人銅官之麓錄
味雋齋文弟二十四輦帆枝莖瑀鐫月露萋斐麟石是宗
鮑謝錢文多佚汪字無間唯此碎錦寶之斤斤錄麟石文
申甫文汪先生文弟二十五再生不穫再醢必薄北江澂
瀾挹注靡涸集集小松志正體弱錄菰米山房文弟二十
六逸雲寬亮處約能泰雅俗文墨今古備體紫峰詩人文

亦淵美既長敘贊尤工銘誄侃侃二賢邈邈風氣錄鬣雲
軒文讀秋水齋文弟二十七衛生晚起耆名凋謝奮登頽
波上參作者不華不縟實方實雅仲求清到心希高渠錄
楓南山館文能思思齋文弟二十八向注未出子玄所據
翩翩佛助亦竊任昉秋史能文胡蹈斯病和氏入秦大弓
歸魯士貴斐然立言有主錄聽雲仙館文弟二十九子雲
有言雕蟲小技刻意蘄功亦職匪易楊蔣於文治之未勤
夏纖而弱何詭不純管君哀逝枝葉徒紛錄汀鷺文問奇
堂文南陔堂文悔餘菴文游養心齋文弟三十粵在光緒
十有六年歲宮攝提壯月令辰曾曾小子受氏鄒亭宰夫
知防晉侯是賢惟漢之末則有景先自我執祖於彼泗瀕
過江而南爰宅武進恭承庭誥命涉詞淵實賴前獻問涂
知津遭時喪亂放墜典型拮據殘佚以貽後人敘錄弟三

十一

國朝常州駢體文錄卷第三十一

廣東省城西湖街富文齋刻字

結駢

體

文

一

宦

光緒庚寅十
月刻於廣州
陶濬宣署檢

結一宦駢體文卷第一

武進屠寄

火輪船賦一首 重脩黃陵廟碑一首 儲聲譜敘一首

新刻李氏歷代地理沿革圖後敘一首 金漉生運

同粟香隨筆敘一首 結古歡室印存敘一首 代陳伯

之荅邱遲書一首 與方子可書一首 荅尹丈仰衡論

廣東輿地圖書一首 翰林院編脩繆君妻莊孺人誄一

首 劉氏女雲郎哀辭一首 羅子壽哀辭一首 周母

趙恭人象贊一首 江蘇候補知縣濮君妻盛氏靈表一

首

火輪船賦并敘

火輪船者泰西巧工塞明頓之所造也昔者聖人觀象於
渙作舟楫已濟不通制度權輿剡剡而已後世衝波噎水
器遂用革則往往飾以金玉加之錦繡塗丹漆其下植旛

稍於上窮輯濯之盛軌盡川涂之利事矣然餘皇須慮吳越之民操之無七尺之楫則不能沛乎通川而斯船進謝烝徒刺擊之力退弛風潮淪覆之慮曾不彌月而周章四瀛輟雪之效可覩也故當其朔賈遷者便之然久之而賈益困其故安在毋迺物易致而利愈瘠與予北漸渤海南窺溟池狎翫波濤屢登番舶遂乃究厥瓌瑋終之曰務本抑末作爲此賦託於風喻之義焉其詞曰

客有自泰西來者欺猥鵬欣多能藝事旣居積滬瀆淹久庸習我語言文字造於杜幾先生曰往者朱明中衰肇徠海市有明中葉葡萄牙通道安南蠶食呂宋遂因教師款求互市許之由是泰西賈胡接迹中國焉亦越大邦旣受帝祉殊方異類結袵而竦止者極於九萬里斯則輪船之已事明效也先生豈樂聞其制乎僕請溯雅藝之經始續成器之形模駢羅夫瓌貨技陳其靈樞稽彼輪

船之肇造也則自乾嘉之際海客麋至苦道里之寫遠嗟

年載之絲累規風濤已靡常矧餼糧已易匱飛雲膠沈葢

海漂逝於是塞明頓富拉頓繼踵竝作規則遠製乾隆六十年塞

明頓作火輪船說嘉慶十年衍希羅之墓希羅希臘人始作氣機者廣瓦

德之意瓦德英吉利人覃思十六年推紡織之機巧紡始阿

克來日氣機而庸賈涉川之利天啟其心神益以智寒暑

旬賡厥績攸遂原其述思慮圖縹緲錙幣時芻糧采澤

銑倂搏桑程式瓊異刀鋸鋸鉋鳩工於大人之國居肆於

沈墨之鄉備箭木之偏側度閏規之旁唐謹鞮捷之是賴

夫何費務之足量迺軼想於增昊還沈恣於重原遂馳思

於八表窮回穴而無端於是絕雰實反劫悲慨惘念虛躋

謚聊慮固護惟精惟一氣清明而感物神嘖嘖而入微靈

仿佛而詹告若將導已先幾忽縣摻而有還聿潛衷已幽

討含大鈞於寸慮，邈化工之在手。爾迺資五財，曰竝飭營
眾巧而作勤，廢班爾之繩墨。役神鬼之斧斤，鞞舩舩之具
體。呀嚙屹之廣舩，腹廉鏤曰切浪背穹隆。曰負天脩壇曼
曰昧莫覩，輪舩而迄延遠。而望之若方蓬，回帶乎煙雲。進
而眊之若鱷，鼉眉乎海瀕。其爲巨也，其爲怪也。制器曰
來未之前間也。爾迺疏櫺窈窕，增艦逶遲。複疊桁梧，嬾娟
流離。纒屬鱗集，胥玆櫛枇。腋曰甬道，馮曰軒梯。提駢田之
官窳，激波景而熹微。翳常客之爰處，越諸司之所棲。統倉櫛氣機前層格之夾，曰甬道門各縣鏡中客暨諸司事之所居也。飛櫓辨華，上賓攸廬。聯
榻偕西，方廣尋餘。錦朝翠被，曼煖雲鋪。帷曰藻繡，構曰流
蘇。叛彩色之纖縟，綴鏤會於綺疏。眇澂景於玉鑑，爛燭夕
曰金渠。域不夜而煌扈，陵廣寒之瑩虛。上倉間各七尺雕腰侈靡，兩榻對設。
衾枕幬幕諸服食之物，稱是辟縣鏡鏡各一二也。又有雅座，次膠嚙朋。嘯曹式飲

式食於焉消搖鴻濤翻攪於清枕瞰日炯晃於疏寮

樓之前後

有雅座上倉客中舲酺客金鳴旅假瑤璽華菲修案駢格

千夫笙簫珍饌維庶

中倉為聚食所或於樓下橫列脩案案坐十數人每食一再鳴鐘也其

饌伊何鱗羹鳳魚黿膾鯨膾厥維恆殷調曰龍醢羞曰洪

桃有麴梳根有酒蒲萄苽醬重酪兼充大庖珍錯備物曰

龔貪饗

坐列會單客性所嗜命諸庖丁罔不輒辦也

若迺僕妾申儆奔奏馴令

浮家頤指侈逾卓鄭

奴婢數十人

醫妙扁鵲書工元瑜

醫士書記各四

五諸宰執事厥職不渝

水手宰夫諸司事視船之大小為人數之多寡也

聯歷先

驅位於閭閻蜚聲威迭用戒不虞嚴夏列卒罔敢怠舒

設

嚴別

於是抗牙檣之揭擎軼雲雨而上基命常儀日列

燭詔蚩尤而曳旗施蜺幃之披拂扇祥焱日掀

揚百尺二三風

順則張

張張目助輪力也

般辟邪正柁司厥倪轉振鶴首間關鳴號

首在船其輪則塔垣象天直指錯輻脫彼周牙固之重轂局

飛螭而騰轆互雌霓而偃軸然猶輪困未能自轉也固已

匪半規而翼舟腹輪挾梳根固鐵殼三重轆鐵版爲轆無牙齒其外也於是塌洪鑪

楮鉅鈎熾石炭輝濤湯芒標昆上煙熅周章含陰陽之變

化發靈機已遄行疾雙管之狎獵振歎吸而呀呷氛擗騫

而頰注力排界已靡攝乃承甬已拗怒漏瀝滴已淋滲蓋

磅礴已翕闔氣鬱勃而浸淫噴重琯而旁迂射潛扃已激

宕蟠蜉紆誦而奔赴鋸齒捷業而互齧氣機在統倉後中檣前上楮水積下

列火門然已石炭雨銅管由積委折達船氏承已甬木甬

甬前復接已雙鐵管屈曲助刺葉於輪軸而諸際會捷已

無齒火然水沸氣從兩銅管下注木甬甬蓋扇動氣復過

入雙鐵管激動機軸兩管互爲伸縮鋸齒相齧而輪則行

則有端衡碾錘千鈞嚙鬼激勢軒輕嶽拔山頽卽烏獲與

賁育猶未勝其輓推有器如衡頻仰爲眾機節別有銅龍垂根渴飲大

壑哈呀戽勺時燈沸鑊沿溝炎煬不潔不涸有銅管由積委折注根外

吸水入漬故終日鬚不竭也又有眾竅噴瀑筦之鏐玉清其升而回挹

瑤液灑日淋漉會飲漱沐於是乎取足機上下有小銅鐵管多具注蒸氣水

不絕舟中飲食飲雖煙日灑氣擢雙立之金莖屹參差而

洗濯胥用是船面立長短二鐵筒分泄水火氣也伊眾巧之若斯故

雖遐而無弗征諸靈煜其默鑒護造化之潛臧懼機緘之

胥泄遄上愬乎穹蒼帝升聞而有赫命豐隆日降攘金蛇

夾轂而淫裔玉虎連鼓而砰礪波輶軋而山立體完密而

罔傷匪工材之確固曷天威之敢抗維坎離之竝變迺既

濟而庸章其機括之運動也始焉躡躡躡滌汔攪投還律經

冤蜿蟬不恆懸絕若失調之駢服或中道而讀列繼焉烝

歆霽沸烈流拂汨沕迭紛挐輻輳輻輳若置郵之檄繼振

騰蹕而不遑輟翕響忽霍灝氣盤礴瞋菌礪挾歆關欲墜

暴乎馮怒彪休駢嬰感突蚡踰穿距劫還轟轟闐闐礪駭

駱漠狀若楚人麀戰鉅鹿舍長兵而肉薄漢軍霆擊昆陽

風雷眩目間作爾迺礮震石衡智勾脉砰若天狗墮地而
雷鳴也鉏鋤鏑列泌澗齡齡若眾虎競食而旅齧也煖熏
升而鬱律焜元氣之氤氳隨風以發翫洎獅形與龍文
始疑海靈吹霧日晦日又如岱嶽欲雨而興雲於是水火
相薄波輪激盪霍聽闐關飛滂澎湃當其怪徇容與猶掣
掣乎千里而軌宕至若劈歷列鼓吐火吹鈞激勢倒海訾
聲沸天魚駭值輻烏驚觸煙鮫人罷織而長踔淵客涕泣
而改鄰颶風發鴻濤興紅雲颿陵清穹擣爆羽絕儵隻星
嘲隣嶼爲之岷峨日月爲之惜騰盤盪戛而成窟尾閭潛
而作吼直覺風霆迅擊目聒耳杳不辨經途之濶灑於是
建螭繫測朱陽披皇圖破殊疆日機器測赤道遠近日一
榜示隣嶼迷惑則披圖日
城疆繩鉛繫投深潢節日沙漏掄其短長日鐵鍾測水懼
膠淺且防礁石
也日沙漏定每時分數而繫削木於繩轉輪轉投引日磁
諸水漏盡則引繩覘其丈尺日辨所行之里數焉引日磁

鐵用知炎方

前後左右暨桅閣用指南鍼盤五各二人司之

西趙虞淵東演搏桑

朔南竝暨陵艘公洋經國萬萬咤如濫觴八駿無日臨其

景六龍不及驂而翔而何論乎飛廉何有乎大章隘朝宗

之赳起思假道於雲漢披赤霄日上徂方天船日汗漫伐

河鼓之磅礴拾機珣之璘璫聆廣樂之洋洋覲霓裳之粲

粲不藉舫人檝師之力沛乎太虛而匪難也有容祁祁載

華載夷或測地而周覽或秉節而驅馳或儲勞而遐軒或

觀微而潛遠而其閒賈客什得六七種類綦繁略可綜攝

波斯碧眼荷蘭紅毛知加鄭滿亞爾焦僥因顛膚豬

亞墨利駕

紅番西人

鬼奴色黑

阿非利駕黑番西人往往路賣為奴

駸舌鈎斬卉服逼

憐西人士女卷髮如蠶織要結匈其色則麗

西女生數月

其細也又有物約匈前欲其乳之隆起也凡歐羅巴人皆色白

鳥履交錯不足嫌避儼壽

衆夥侏離謹啞既刻飾之詭異亦靚妝而淫佚相與坐公

司西南集資貿

挈盡室狎翫靈濤擁瓌貨而逐什一其貨

也囊括乎天地羅羅乎水土襍沓眞贗傑僞良窳藐不顧
天吳海若之攫拏越重洋而交賈益嘗覽乎其中不啻游
昆岡而入大府五色炫燿試百遺而一舉其筐則鑠秋火
毳旌氈金屑弱錫蘭干關鏤吉貝亦有織羅霧縠美錦文
綾輕綃阿錫紩素絳繒龍紋蜨采霞蔚雲蒸自綫索於杼
軸女紅不足已效能其包匭則枿子架菲似豆西人采呂
代茶譯曰架菲
若畱荔支豆蔻格覽丹橘紫梨腹瓜哈密檳榔干陀凡此
果實累累函列分遺寰紘朝發夕達制不異味濯不更色
清脆率璣若甘至而乍摘藥有椒桂蓄蔭香有蘇合鬱金
芳菲菲已酷烈既愈療而解酖乃有象穀產繇天篤與麥
偕蒔與稌偕孰煎膠論乳烈愈鴆毒漢人耆之唯日不足
關津歲推數逾菽粟至若怪躡珍羽胎生卵育摧毛折脰

樊縶檻鬪有它兩首有龜六足如瓮爵斂如囊鼠腹禹鼎
所不鐫山經所未錄其不能生致者則亦寶其皮革齒牙
毛羽骨角其琛賂則火齊明璣毒冒駭雞金華銀樸穎匿
輝飛鏐鐵鉛錯隱賑歲裏玉則珣玕石璧璫琇琰英珂玻
炤朗瑾瑜月明纂織組已緋繆栢頗黎已韜璽珊瑚碧樹
交柯而生靈根移植磁壁璫朗藍田垂棘失其賈縣黎結
緣無其光佗若琅玕瑤碧珎玖碩臧琨珉銓鎗瑳箴臧玳
隣隔磊砢厥惟良石與乎丹漆赭堊瀝沙白垠流黃芷硝
之數莫不巖萃波注資舳艫而轉輸其工巧則鐘表合琴
自夏自塗踳踳拮隔晏衍陰注若夫農桑耕織之機水火
防禦之器勁若萬驥驚輓訇若干厓崩隊森拉雷厲倣詭
精銳效卻侮已省勞亮有裨於時制是已父作子述家仿
戶竊不憚鏤刻肝腎已祈赴乎斯術其他沈沙棲陸之瑋

寶程巧致工之瑰器卒難指名不知凡幾亦且紛葩蔭映
鳥集鱗萃裨販而無遺流鬻而罔滯故斯船所過則成市
所止則成會其止也綠槽鑑微同類夙戒遙睨陂濬縈帶
惻爛於數百里之外淖解波靜而光凝重關雷抑而聲殺
然後推尺向柱氣洩輪亭有機若銅尺推之向前輪則前
轆之使後輪則到轉推之倚柱
輪則不行也儻個容裔翩若孤雲之垂天顧視波濤洶湧於無
際猶覺萬里之杳冥忽雷駭亭泊聲礮天海震颺鐵嶺揚畫旌
未夕張鎧燭龍曜靈冠蓋襍遯輿輦逢迎遷引百貨叛衍
相傾求者不匱鬻者兼贏販夫邪許亦終夜有聲宜乎上
國波譎目詭風焱神盅舍輯濯之窳臬儀捷攝之鬼工糜
水衡之羨稽而飭材協革於閩中今福建設船廠方將鑿渾沌之
窮奪撐犁之功汎十州於咫尺流六合而混同則斯藝之
日遲又未易究其終窮也杜幾先生曰唯唯否否子謹固

於習俗而未睹乎制器之本也夫舟楫之利肇造軒黃
槩顓頊牽維陶唐帝嚳杞櫓文命驅檣吳人喜大爰有餘
皇然則五三宏濟其用蓋已備矣卽爾西土之祖構亦猶
是也若夫艦挾兩輪請循其朔嘉李皋之巧思閔楊太之
取覆而泰西謠者摹挈壺之遺法閭曳輪於韋編炎潤庸
協作之曰機鍵匪彼匠之信哲實吾徹之鏡前抑吾聞之
有機械者必有機事有機事者必有機心使取之曰詐悖
且用之於怙淫故挈棹可曰灌畦圃而古人或盛抱瓮於
漢陰客第翫縱權之逸而未覩其覆徹將謂有安而無違
有得而罔失殊不知是之多所畏忌乃更甚於尋常之番
舶當夫沃焦沈壑滄岬犖确失戒鴟蹲驟迂幾觸則灰飛
瓦解罔有完輻畏沙汭陰漲磧礫攤流萃潔遺沱湍急畏
咻則怒輪徑駛腹深易膠畏淺霧霧淤嗽坎輒四塞胚渾未

凝庵謫變怪則風檣交錯往往硤溺畏紫絳布襖綸組續

紛涯灌跃蔓潛蒼園潏則舟流紆帶縣延掣輪畏水蓋物

之有利者亦必有害若斯之窒礙而又焉足怪且夫飲水

者必思源被恩者必知感今西人之涉吾地者又豈輪船

之爲也國家隆如天之蓋戴推赤心於遐彝弛干蘭之陵

罰夷關梁而勿譏庸裨遠人望風襁負奔走而來歸既度

地而居之又立約呂規之爾西土士女時獲保厥富厚而

爰宅於茲亦既深根固蒂矣夫啟關通市者非豔其財賄

則固柔遠之德也發使報聘者無損平威棱抑亦邦交之

禮也七閩舟牧之設意不使彼怙恃其利而已非眞呂朝

廷之貴下同乎商販賤役之事也且夫輪船吾徒見其害

未見其利也破之海國交賈倣載番禺貴遠嗜異眾好爭

趨耳目是媚遑校錙銖唯驚良已襍苦信奇貨之可居乾

嘉呂前西賈之往來交廣者人人得其羨餘然而中國未
有輪船也自道咸多故動更商約圓轉挾舟轉徙內泊輪
自道光時始杭中國絲粵而閩而吳越雖果布之輻輳會
而燕齊今則江漢之聞悉爲市場矣稽寢曰戊削呂今校昨利呂弗若何則物呂罕而見珍貨
呂聚而見惡儻數觀之匪鮮逐漸厭其僞薄則斯船之交
織紛錯適足使積居候時者厥賈毋得而踊躍若是又胡
爲乎來哉布帛菽粟寶唯金玉吾地自生之不於爾乎取
足也奇技淫巧適供玩好昔人已惡之不於爾乎是寶也
顧適索公私之貲究廢居之職陵風濤呂無涯委全受於
不測遂遺情於首邱出萬死呂通中國豈與破輪鑿舟閉
境守塞脩而農功勸而艱食俗更革其夸飾人服習於道
德相與中外無事億萬年休息哉史遷有言本富爲上末
富次之姦富最下今西俗末且姦矣而卒未之富其亦知

所返邪必若是沮溺夸誕睚眦從衡罽牢川陸釐錡鉅雨
敦既怨於遮閑賢亦浸已驕彊彼厲兵而伺隙此衷甲而
猜防吾恐金行利盡交墮而榮敦不足已固其盟也子之
偁物詐矣談藝微矣信技舟工之奧旨矣雖然君子算役
心神務其大者遠者是已諸夏之士舍彼而取此也於是
客乃逡巡避席憮然有閒曰僕不敏僻處荒裔未嘗奉教
於君子自先生言之乃知上國禮俗之善擇術之正也敬
聞命矣敢辭

重修黃陵廟碑

自東湖遡江入西陵陝五十里至黃牛灘酈道元曰南岸
重領疊起最外高厓閒有色如人負刀牽牛人黑牛黃成
就分明方志已爲斯灘之神佐禹開江廟食於此漢季廢
去諸葛亮總師入蜀弭節江皋睹斯愕眙慨然念神功明

德始復其禋地值巴陝陰厓赧駁窈冥晝晦鼓灌蓊蔚坎
囁悲哀幽縹積阻犖砢砦確衝波盪颺影沙旋礫舳艫徑
復回焱閒作濯夫震皇釃酒祈禳常獲神助自宋紹興已
來靈貺尤著褒爵徹侯鴻韓棟宇勝國之初陝中患虎有
司虔禱彌旬蹈楞惟

清蒙受天命咸秩羣禋山川百神奔走服訓茲祀僻遠雖
佚敘太常然勛德並存民不忘也咸豐同治之間江水仍
溢廟已傾亞前政簡略未遑補治光緒十二年秋某月建
威將軍岳州平江羅公縉紳作鎮夷陵抗威千里撫輯蠻
落總率舟師巡閱江路拯溺止武溯流遲陝屆於黃陵奉
見廟祠獲落荒葺爰出奉秩鳩工脩飾壞墉山立傾宮霞
起石馬表道象設煥采皓辟隔曜圖續龍蛇穹碑峩峩戴
日曩眉入廟躬奠祇祇肅肅儼若神在明用歆饗降福御

哉於是遠近居萌行旅相與謳思德熾請刻於石表昭示
方來其辭曰

大哉文命暨暨穆穆師尚汨鴻有龍助之震威騰踔畫隆
浚江三陟既開化爲黃牛水始朝宗邈矣忠武覲象水滸
作廟報功蛟虎兇蜮不爲民割歷姓脩崇烈烈建威受命
作鎮虔其禮祀揆茲禹績川靈攸式司典廢怠神功崎嶇
管武荐作渤盪方駭節治講堂沈牲主巽靈迺降祉夷波
遵寶祥輿騰驅人罔不喜刻此樂石銘公嘉德已垂永久
鰭聲譜敘

嘉慶中莊珍蓺先生析金壇段氏古音十七部爲十九部
已授其友張皋文皋文先生復析爲二十部著論五首其
子成孫彥惟受而卒業焉書凡五十卷題曰鰭聲譜揭陽
縣知縣莊君心嘉于珍蓺先生爲族孫而皋文弟翰風先

生之孫壻也。思內外遺著將遂零落，屬寄補篆，敍而刻之。敍曰：書契設廣，三曰諧聲。江河體純，一隅待反。說文始一終亥，已形爲經。讀若與同，于音尤案。然建武而後，言小學者，繇杜林而倉頡之篇能正讀者，唯張敞聲音之道。在漢猶難變轉之繇，厥端可數。彼夫邠人之語，聲後曰婁，齊人之言，登來若得蒺藜，卽茨之疊韻。蟬螻乃虬之雙聲，言分短長，讀有緩急，求諸經傳，茲類實多。但北海家法，尙沿譬況之例。東州大儒，始創反紐之說。子雖並世，扇其宗風。仙民異時，僅存古讀。其變一也。若夫戎羯亂華，聲敎靡暨。人習阿干之唱，家傳敕勒之歌。代北倉荒，魏文始斷國語。河東士族，裴讞獨無鄉音。而中興世說，丞相有吳語之譏。江左風流，宋高貽楚言之誚。中原久淪，襍種南冠。各操土風，是呂顏氏兒師，不願求諸鄴下諸王兄弟，亦見詆於支公。

兜離喲訥竟知誰是其變二也聲病之說古無專書左校肇其類分安復踵而裒集本同末異閎若參商滑濁涇清嚴茲畛域天子聖哲實周捨之諛詞雌霓連蜺怪王筠之擊節雖隱侯之作自謂入神而梁武同時竟不遵用佗若杜臺卿之韵略李季節之音譜亦復獨師匈奴強別部居其變三也至於仁壽之初則有法言之韵羣賢浚定當世盛行箋注訓纂拾遺緒正陳州司法別自成書大中祥符重脩雕印四萬二千之字中頗增加二百有六之部莫或改作自韓道昭省并之始劉平水遷貿之餘古音既墮於榛蕪今韵亦淆其次弟此則跂路之戚不止於以羊青靈之生再譌而成馬其變四也物之變者終反其本形聲之本在於許書若乃例有省文亦兼象意或依類於建首時借諭於方言但少溫工篆好逞妄說楚金圓俗多昧舊音

繫傳猶謙而存疑監本輒從而刊落六書之義乖舛久矣夫遠適異國必循刀環經過窮巷自迴車轍吳陳先驅而復路顧段整駕而知歸絕學復興於斯爲盛始則務求其可并繼乃相矜曰善分眾家條流互有通塞皋文先生疑今察古鑽堅研微執六籍爲笙簧課羣言之疏密京房善易本通律呂張竦家學究極形聲辨哆斂於呼吸之間審清濁於脣齒之際據偏旁曰知類聚依訓故而得轉通謂古人韵緩本不煩於改字後儒詩傳乃誤指爲叶音於是曰詩求韵佐曰易屈曰韵別部曰部類聲曰聲韻說文之字發凡起例旁行斜上血𩇦所因上效周譜之法孳乳雖廣靡益較長之數纂輯未竟景命弗融哲嗣彥惟先生少奉庭誥逮見先友紬繹緒論整齊陳編使侍中古學藉召陵而獲傳少監字書訖揚庭而斷手兩家述造再世寫定

知音之士信其不誣嘗謂故書比方誼實通乎段藉切韻
平仄字乃煩於部分審知條屬理貫之敘胡執音和類隔
之說第別輕重疾徐之度罔建廣通侷狹之門旣割四十
三轉之圖無籍卅有六字之母又況風雅具在商周之音
不亾騷辨近古屈宋之賦可誦旁覽傳記曰通百家之讀
上探易象而知四聖之言陋夫明皇改經斥洪範之不韵
公彥疏禮疑冠辭之未諧觀乎是譜庶斯免已

新斟刻李氏歷代地理沿革圖後敘

右歷代地理沿革圖自禹貢訖明凡爲圖十有六鄉先生
李兆洛申耆誤別村斟勘記則寄同歲生惲毓嘉孟樂及
其從弟毓鼎薇孫等所同誤也刻旣成曰示寄請爲後敘
寄於是圖本嘗鈔綴略知得失遂爲之敘曰夫九邱可誦
圖籍蔑聞職方所掌土物是辨是曰文終入關收之丞相

之府光武徇趙披諸廣阿之城郡國利病山川阨塞於是
乎在然代有離合名實參差尋校推求未易精悉則且援
未名之真定豫加南越之王馮新建之樂陵追改東方之
籍遷賈損益匪圖勿章而古墨今朱賈耽之謨斯闕一寸
百里裴秀之作無徵紛綸經傳軼輟圻界學者嘗焉於是
申耆先生命其高正弟子六德只等纂錄乙部授計甲編
取彼昔名著之今地近邇勝國遠蹟禹功詳同畿服之經
精埒括地之志彼黃圖之記地盡三輔區宇之續事域一
朝孰短孰長必有能辨承學之士轉相傳寫日月已積稅
誤寢多孟樂昆季蒞藉篇章耽說圖史鈔寫勤於闕澤是
正信於杜林緬耆名之越遠閱縑帛之割散博稽眾志證
目今釋銳意斟刻庶還舊觀旣又鉤攷傳注掣覈異同期
足參觀不矜辨駁功牟乎艸創事止乎增脩豈若法盛寤

郝紹之書矣。于時譽子元盜向秀之注，獨尸盛名。約舉大綱，有六善焉。道光中葉，時棘南河鬻泗，吞淮，舉焚捷石，是圖之作，正直其時。今澤涸，呂梁渠釀屯氏，而宣房既塞，無忘鉅野之災。貝邱已煙，尙記莽河之迹。其他分率，準望道里之數，高下方裏，迂直之形，竝依軌前脩，未遑改作。是謂墨守其善一也。至如洪波，遵寶舊迹，中圯旨史，廣記繡壤，錯牙川涂，疇理其績。土地已消，其名是日。濟南之文，匪同僞孔之傳。征南之注，有殊先鄭之訓。是圖九州，辨壤攷迹，枚書列國，正疆折衷。杜說采摭，從易波擇，未精今則參校，辟經引遷，固之信史，箴規左癖，掇賈馬之遺文，是謂旁通其善二也。自五胡逆亂，二帝播遷，南朔分崩，華裔僑置，疆場之事，一彼一此。故休文州郡域，自昇明之末，伯起地形，據彼永熙之初，圖中一地數名，定從土斷，一名屢易，限日

當時今推尋終始甄別回徙條記覲縷庶無漏略是謂補闕其善三也若夫姑孰牛渚沈蕭軼其名隰陰鯢陽李于失其地又況陳郡省入梁國而景純尙沿舊稱蒙陰隸於琅邪而元凱未同今志此之乖迕更僕未終遺說猶多詎難互質而圖志表裏概無擇焉今懼亂其眞遂仍舊貫不曰佚存之地記附益房書別出之水經強名桑志此則邵公之室靡入康成之戈朱游之談不折五鹿之角深知蓋闕奚取倚撫是謂傳疑其善四也孟堅推表山川經緯悉貫志寧罔羅放失廢置綦詳惟茲注記無庸刺取中間典午之籍至爲疏蕪蕭齊之書彌多殘闕是圖專據史冊未暇參稽而姑臧蓋烏喻歸別其異名句亶江陵張瑩釋曰時地或散見參軍之集解或閒出司馬之續書固是外篇尤爲實錄若斯之類采掇彌勤是謂拾遺其善五也若乃

度河之豕卜商知其非三奏事之馬石建省而作四伏獵

之謬宜受世譏金銀之車定非善謔故或晉名遼道證杜

解而知適

州郡志晉作遼道案春秋公會吳于橐泉杜注在淮南遼道縣東南知晉本名遼道沈約所據

晉志作遼道者誤也今本晉志遼道

漢縣收靡据酈注而作牧

地理志益州郡收靡水經

注作

日印爲印形賈過半

南郡印侯國今本郡國志誤作印前書顏注印音忌

書熒

成榮聲同易殺

地形志榮陽郡據鄭義碑當作榮

迺知麟閣祕冊藉子雲

而始是天祿藜編待更生而可寫是謂正名其善六也因

斯六善遂成三益貢賦朝聘置域素定可曰通經一益也

霸朝王國幅隕攸判可曰攷史二益也戰勝攻守審端徑

術可曰知兵三益也夫祝穆方輿之要象之紀勝之編祇

益益紛紜罔裨因革又若元和郡縣圖佚而志存太平寰

宇記詳而卷闕闕者靡補存者又殘而益地之說見於緯

書水師之圖錄於隋志事旣涉于誕罔篇已卽於流亡是

圖囊括經史薈萃古今若張華之對建章畫地而就譬馬
援之策天水聚米而成方之陸澄合山海之經爲百四十
卷任昉踵地理之志增八十四家旣博旣精殆無多讓然
而後先蹟盛述造同勦故毛亨訓故有鄭箋而始興王通
玄經得辭傳而遂整今之校理功足存圖用綜大凡綴之
末簡敢同湘東職貢之敘聊箸巨達珥定之勤云爾光緒
十有四年歲在箸雍困敦園余之月壬午朔越六日戊子
武進屠寄敘

金淮生運同粟香隨筆敘

蓋聞小說九百本自虞初稗家二十託始孔甲竝推演經
傳兼綜儒墨流裔支出作者非體子桓典論製徒極於詞
華臨川世說事每涉於閭巷往往一篇之中博而不知要
數卷之後盪而無所歸然質諸薦紳縱難言夫雅馴書之

盤盂猶或愈於博奕是日拾遺已闕蕭綺且從而補苴論衡未出蔡邕實資爲談助金文滄生所著書曰栗香隨筆續之再三蓋仿洪端明容齋隨筆之例也今四筆刻成屬寄爲敘綜其大旨可得言焉彭澤命子推本其世家康樂工詩揄敷其祖德君奉延年之庭誥受叔皮之賜書高門巖巖無忘通德之舊家道穎穎彌守義方之訓是謂誦芬其旨一也陳畱大郡風俗可稱華陽故國士女足讚況乎湛湛江水實惟春申之封綦綦穹碑是曰君子之墓亂離斯瘼邨井久虛旅人未歸土音獨操識大父之游射憶鄰曲之過從道南道北宗人暴衣之風灤東灤西見時觀稼之地是謂懷舊其旨二也南方地偏艸木殊狀北戶時燠風土異宜君從事蠻府久客領表桂蠹一器詳尉佗之食品細葛千端志威彥之歲貢佗若交廣市舶臨海水物莫

不羅其珍錯竊比衡虞是謂辨俗其旨三也寶玄之天神
仙之所窟宅冰井之水經略之所勒銘君昔游蒼梧謹正
鹽策臘屐都嶠樹碑漫亭滌濯開元之鐘摩挲石室之象
思政殿使存乾和之職官漢融經幢紀大寶之歲月翳彼
霸朝軼事得諸金石之文是謂攷古其旨四也文人相輕
古今通軌陳思啁孔璋之賦士衡笑太沖之作艸玄未竟
或乃譏其覆瓿歌詩僅存甚且忌而投溷君掇拾墜簡搜
討佚篇募北海之文不吝金帛之賞憶南皮之游輒撰應
劉之集縱有言談之過不居詆何之名是謂權裁其旨五
也夫馴象在圖必涖臧其齒牙山雞映水亦自珍其毛羽
故王筠之集不止一官白傳之詩寫目五本君述造閤富
不自料檢積玉碎金散見今帙斯卽陸生笠澤自號叢書
楊氏西崑兼存酬唱固別集之變例而本事之遺意也抑

僕更有說焉昔文信賓客定呂覽之書蘭臺令史集通德
之論總百家而成說擇諸儒之粹言至如中郎獨斷多明
漢制司空博物蠡舉遠方迹其所述足裨良史君用奏干
牘異東方之滑稽著書五車等惠施之好辯若使芟裁風
月之詞葉正傳注之失斲雕爲樸託體益尊則深窻困學
而後大有殊聞亭林日知之外豈無別錄何獨鍾嶸詩品
辨風人之環製劉勰文心揚先士之盛藻而已哉光緒十
有六年閏二月

結古歡室印存敘

自書契萌牴雕鏤日焚古人槩朽勒銘錢鏤識款不獨金
簡玉牒殫羶云亭龍節虎符蒼黃雩賦而已歲火燔灼珍
圖煨燼釐冢潛閔孔壁寂寥岫嶠片石風雲鬱而未顯岐
陽十鼓霜霰零而寢駭悼彼古文哲墮茫昧徒藉遺印鉤

摎端倪蓋汶長著書雖恪守乎小篆上蔡作璽猶間存乎
鳥跡示信傳後官私攸庸定隊甄微有識滋重但豪髮越
錯差池駭觀大文外向動遭馬援之彈龜弦偶遺罔解郭
璞之誚斯事雖細豈率爾哉鈕君間淑陸沈樞曹游藝篆
刻饌有結古歡室印存如千卷擘覈竹素目通其文祖構
彝鼎已探其蹟畜采覃粹辟含太羹結體縝栗恍布嚴陳
是曰孔瑜之龜臨流而仰顧張灝之雒沐雨而歸飛莫不
蛻化貞珉翕受追琢繇是學古有獲藝成而上挾蒼史之
韞積入斯冰之奧宜籍籍云云進質經傳方且植不朽之
盛業夫豈雕蟲小技云爾哉某壬午之歲薄游上京識君
梟季假榻軒序投我寸璧旣臧弄已爲榮承君授簡將逋
謝而匪獲則欲洪興作者之愔孟晉有用之域奚翅對卞
和而議瑠璞造輪扁而談運斤也同郡屠某敘

代陳伯之荅邱遲書

希範足下承王師北討損書招懷文采巨麗公私切至僕雖下愚豈能無感僕楚子也少謝行能靡鄉曲之譽徒曰筋力驅使前朝主上龍興不加別異許其款附同赴中流建康之平倒戈自潰乃呂劉璋稽首藉威馬超閬谷弛關推功英布錫封大縣進號征南虎牙兄弟承恩宿衛無代邸之舊同京城之賞其爲非分益已多矣但自目義旗始建閭於代德前驅銜命旅距尋陽獲罪者一旣蒙撫納不卽自歸退保南湖乃始委摯獲罪者二頓軍西明未能力戰囁嚅耳語達於聖聰獲罪者三負此三罪懷不自安重呂朱龍符鄧繕等姦險煽誘褚緇戴永忠等輕薄游說迷謬過聽自絕於天遂乃媮生虜庭淪黜僞授東關之役爲寇將兵敗我偏師重增釁戾此則已往之失不可復追者

也昔盧綰侵奪於蠻夷孟達鬱悒於羈旅常思背匈奴而
歸漢據新城日還蜀僕誠何心借命宮帳淮上經亂邨井
邱虛歲惟莫春桑麥前刈乳燕靡託晨雞不號對荒戍之
蕭條傷旦莫之乞貸纏書鴈足引領牛頭韓王信云僕之
思歸如痿人不忌起盲者不忌視也豈不然乎然且裴回
邊表昧於自拔者誠恐一旦致誠不償夙負怨管仲之射
鉤殺知罃而鬻鼓雖欲悔罪自效其道末由此少卿所已
憚於再辱安都所已懼而改計也伏聞聖朝湯網闊略獨
棄小忿完其先塋宥其側室親戚第宅至今安居雖漢文
之懷趙主先主之待黃權寬仁肆眚未足引譬僕受妾之
細諒不關懷故主之恩能毋感激固已傾囑東日係心南
雲況僞孽庸闇政綱紊弛部黨離貳饑饉荐臻蕩滅之期
有如來指僕縱不能先幾內發回戈北揮廓清中原禽剪

通巖立尺寸之績贖反側之愆又安忍馮恃四腳據守一隅奮其螳臂爲他人盡力哉今弔伐之師風驅電發志徵伊洛誓埽蜚蜮足下閔僕逋亡之餘同彼玉石宣布德意開示福先述廉吳之曩戰陳朱張之已事反覆誨美發其愚蒙伏自惟忖皇威不可已再抗大罪不可已曲矜臨陳退敗則虜馬躡其後束骸待罪則法司所不寬總斯二途生理並絕與其橫身區脫爲左衽之鬼毋寧歸骨司敗待湯鑊之誅儻緣足下之靈回奉本朝得枕邱首雖死之日猶生之年聞臨川殿下輪旗飄展將次淮甸謹纂輯所部伏候援拯庶同朱序之憤齊魯爽之契逼逼丹忱仰希鑒納僕本寡文未親翰跡但曹洪近日頗奮文辭沈公莫年乃更學問力自裁荅多瑰瓊瑤慎毋謂爲倩人笑其百學也遲會匪遠率報不宣

與方子可書

去冬寒雨送子北郭麻衣雪涕蒼波萬里扶胥之口黃木
之灣知已歲終訖逮高館勝侶已闕索居損歡吳謳自吟
曼引疇答魯酒獨酌對景忽絕懷抱蘊積如何可言方春
二月儻擢東出谷汲惠麓花間白隄叩楓橋之莫鐘訪虎
阜之沈劍小惕滬濱遂陵滄溟回混灝潰浮天灌日南衍
交廣帶日流蚪北漸營邱實太公之所表也介特一島岷
峨巨浪迤靡蜿蟺徑可彌里慨然弔田橫之失勢歎五百
人之執節西叩日觀緬秦皇之封東撫對馬存親魏之貢
自瀕青兗水皆縹碧彌日綸組列嶼竦踦煙樹襍生天青
霧霽海市乍失漚鳥出沒時來狎人旣乃驚飄拂乎颿檣
洪濤淺於几席同客偃伏柁師震皇而僕方叩舷狂嘯馮
檻遐矚謳謝客之石華翫張融之積雪斯亦游子之壯觀

也汎泊三日居於津沽舍舟登陸入自海岱至則黃金之
臺已平望諸之墓宿艸矣夫曰僕違方戾俗之行哉游公
卿間欲要求時名弋獲上第不啻跡壯駟於唐肆罔文鱗
於叢薄故入都已來竄跡廡下頗持孝標之論未廣太邱
之道刺在懷而任威車過門而不聞匪敢立異靳寡過也
足下諸究儒墨契闊軍府談折鹿角行隨鳳雛文休所臻
竝見敬待仲翔在遠不輟講論方將紹疇人之絕學廣推
步於來裔名山之業勗之而已僕之春秋盡九年二十七
歲也乍起覽鏡忽覩二毛驚尺電之易逝媿脩名之弗立
及此方壯尙不如人轉瞬時邁齒戴皮朽毛落雖欲竭駑
鈍之才追作者之列其可得乎足下其有已教我也炎獻
鬱烝丹荔方孰既飽已德攝衛惟宜

荅尹丈仰衡論廣東輿地圖書

辱奉來貺披誦再三引諭過情有類善謔雖懷士元得半
之雅將累孔才稽五之明承此嘉獎已慙已報足下發藻
南徐騰聲西掖剖符作郡攄管裁篇願迺垂意鄙文方諸
作者馬班任沈之況元和太平之書斯先士之崇軌非下
材所庶幾也近者

皇朝勤修典實牒下州郡咨訪版圖荒荒五領舊籍謬舛
上計太史理宜攷詳猥曰溝猶與在纂輯徒有慰祖蹇吃
之病殊乏酬據精悉之能既遜希逸分理之才而當誤製
離合之任其不至蔑敗路於南北差準望於東西者幾何
來告謂職方之書期足示後分率道里推表山川畫陸可
成宜卽在目誠明庶之雅論綴次之本心若謂朝潮夕汐
沙泐沃焦幽闢潛局賦於九地列要屯戍固茲重門慮或
泄宣生心內伺此之立說理有可疑竊惟泰西諸國慕義

梯杭安敦貢其象牙摩跋效其齏髮估驪時集津吏不呵
今者蹈我戶庭入我堂與蜃樓鮫室駕日連雲螺艦魚書
覬馳電掣廣南瀕海通市尤朔夷歌成韻左衽充衢若夫
珠厓銅柱之標鯨渚魴潯之會固已探求徑復汎涉周章
畫革旁行瞭如掌上設覩伊川被髮之萌采江統徙戎之
論驅逼卉服歸於窮島抑遏津途絕其賈舶斯爲可矣猶
是春春井井鼓柷朋臻睢睢盱盱與民襍處而欲祕茲牒
錄謝彼覲覲未必然也且天下有道守在四夷王公設險
得人斯固是曰孫叔甘寢而郢人投兵季梁猶在而強楚
卻慮終伍員之世種蠡輟其陰謀及陸抗之存羊杜但知
保境若乃夏陽潛渡魏豹之所不虞采石濟師蕭公之所
未覺江河紛帶曾不周防尾閭灌輸抑又難衛吳子曰在
德不在險孟子曰地利不如人和也不然樓船何日取威

於番禺安南何已收功於合浦哉況乎陰平梁入鄧艾無藉乎圖經畱關洞開蕭何乃得其版籍情巧合變不在筌蹶也書生不達經國之務發言偏宕輕枉高聽鄙論若繆更望申析孤子屠寄叩頭

翰林院編脩繆君妻莊孺人誄

并敘

年月日江陰繆編脩荃孫殯其妻莊孺人於京師之某寺手書事略徵誄於寄嗚呼文生於情覽之增伉儷之重誄已累行存之哀窈窕之德據事略孺人字思琇江蘇元和人也幼秉神韶長嫺令儀恭承賜書旁涉績事蕙心紉質徽華懋焉當其父裕崧之已同知殉鹽茶也孺人侍母蔡恭人跋涉五郡此離兩川苟灌踰城未解父崧之圍趙其數倉卒與母異相保未幾重遭母喪育於季父謝安內集藉甚風絮庾芳有行訓已箕帚年二十歸繆氏惟妝玉女

之室親迎錦官之城虔其悅肇敬友琴瑟一室之內愉愉如也旣而繆君箸籍金閨思親玉壘二江風水自接天津三峽樓臺相望城闕跳驅綱紀逢迎版輿孺人乃整輯濯奉尊章下瞿唐度鄂渚道過吳郡訪先世舊廬則芳艸十步已沒辟疆之園清溪一曲難尋伯通之廡時值歲暮稅駕戚理絲歷寒暑乃逮上京險途愴悵惠姬有行役之賦布裳撲朔少君有輓車之勞弱質遠道心傷瘁矣繆君僦屋後市面郊增軒岌峩馮覽遶廓每至方唐水生平楚煙霽相與攜茗椀綴琴尊華香上衣嵐翠擁髻比肩而宿鳥妒絮語而涼蟾窺雖復弄玉豪華纖絳吹笙之館采鸞眞逸嬾媚寫韻之軒亦無已易也繆君元覽四部富侔百城時值新異或復質買孺人深體雅志視爲固然然詞林奉廉中饋羞腆予手拮据何有何亾况復別離親戚關河重

阻問姑渺日魚腹憶弟杳平蠶叢勞懷已多美疾由孽山高而石紐未啟月落而珠胎自傷秦嘉病妻空餘明鏡之贈張建孤女無解見屏之悲嗚呼哀哉始孺人與姊思瑄友愛尤摯姊前卒孺人哭之幾殞孺人臨歿之日忽展姊氏畫冊嗚咽追悼俄而疾革晦靄丹青尙寶蕙芳之畫飄零骨月靡忘若昭之悔嗚呼哀哉遂爲之誄曰

寶婺懷光素娥弭節悲纏總帷痛軫瑤瑟懿惟淑媛令德罔遠璇閨杼響瓊琯華飛風急蕭關雲尋劍閣衣麻血迸手刃力弱作配君子敬愛天情月明石鏡花開錦城京華庸蜀路八千里臨江結荷陟岵采芑脫珥貫酒典衣賈書簪蒿嫻嫻舉案莊姝擷蘋于澗潄葛淒風望齊亭遠懷衛水深蘭衿閨馥栢館書祔玉燕已懷石麟未誕尙嚴晨妝遠哽夕飯霧卷秦衣煙銷吳苑嗚呼哀哉舅姑兮垂矜矧

姪兮悼惶顧嬌女之擗標俾君子兮隱傷疇昔之夜感夢
伯姊謂增城兮可居益整駕兮偕逝寤展圖而增悲兮懷
手澤其未沫追同氣之夙零兮遂沈縣曰天厲陵鶴葉兮
瑤崑儼象設兮祗圓金缸暖兮鐘歇組帳漠兮香殘棲神
躬於覺路埃夷體兮壽原嗚呼哀哉彼漆園之放曠兮迺
鼓盆而寄痛矧騎省之綢繆兮夫何眷宇而弗勸登高閣
目騁望憶攜手兮方皇春風吹兮珠箔起落日澹兮瑤琴
張步同廊兮響屨撫增檻兮流芳目瀾瀾兮蒼莢耳蕭蕭
兮白楊感妖鳥之夜笑兮念孤魂之幽翔庶嫻嫻其玉佩
兮仍來儀乎洞房

劉氏女雲郎哀辭

雲郎者予友劉葆真之首女也婉變明惠九齡而殞於戲
太倉令之室緩急何賴女公子之辭悽愴誰作先是葆真

舉一子數月失之其妻張氏悼思遘厲遂已不起曾未逮
祺而雲郎又殤哀哉楊烏予玄良悼弗育潘鹿失母仍俾
夙零秣眞盛年績學內行脩篤而良嬪中奪弱息頻喪悽
悽德宮之里悠悠羸博之閒天意沈冥何階叩叩骨月摧
墮殆勿克戡宜乎金瓠之喪陳王閱其無辜澤蘭之天河
陽間而增悲述述其哀云爾

懷佳俠已隱憂今歷冬春而靡忘撫嬌女之明儻兮胡齟
齬而復殤翳靈姿之天挺兮比珍質乎瑤英青眸粲其善
睽兮元髮覆於廣顙昨夤夤而失恃兮神慘慘而內創懼
重親之增慟兮顧諸妹始扶牀羌獨隱處而掩涕兮勉兒
嬉乎我旁惟夙成之純孝兮宜皇天之所矜胡寧忍而弗
惠兮俾無讐而離殃滋九畹之崇蘭兮迨一夕而焮霜紫
莖淒曰萎折兮丹敷從曰飄揚豈慈母之顧眷兮念家道

而終傷莫提攜於冥漠兮尙雍樹日免恙藐不卹枯荄之
獨存兮商飈集而待彊委微骸於中野兮襲繡褻於重壤
烏翩跹其嚶鳴兮馬踟躕而返驥金枕閔而孰啟兮夜臺
幽而不暘嗟嬰魂靡所止託兮益歸徠乎離房

羅子壽哀辭

代

羅萬青字子壽本紹興山陰人今記名提督宜昌鎮總兵
官縉紳長公子也父官楚久有田宅岳州之平江遂著籍
爲平江人羅公義威震厲光輔中興建牙上游鎮衛千里
公子曰弱冠之年恂恂文學頗擅今隸儀軌率更刻石書
縑無詭曩勢昌黎所謂瑤環瑜珥蘭茁其牙者也方當觀
政郎署高獵巍科駿蹕逸翮騰騫霄路奈何不祿春秋十
有九日光緒十三年正月某日卒嗚呼哀哉遂爲之辭曰
皇天布濩惠澤兮昭萬象乎青陽竊悲夫蕙華之無實兮

獨蕉萃於眾芳先鵲鳩之未鳴兮緒風雨而飄揚追彝陵
之邂逅兮美翹英之秀良謝裘馬之翩翩兮履繩墨而趨
蹕挾寶珪已炤燦兮振瓊樹乎都房謂九苞之鳳翮兮族
迅森而遠翔陋人間之豚犬兮羌溷濁而匪臧林純脩之
刻厲兮文藻耀乎雲章有攻書而孟晉兮捷陵整於歐陽
緬英哲而不渝兮恍存目而靡忘曾冬春之儻忽兮曠獨
析乎存心披散帙之零亂兮撫刻石之琳琅覩遺篇而涕
墜兮執潛穎而神創服先民之炯言兮日作善而降祥惟
名父之慈惠兮宜有後而必昌矧公子之美且仁兮亦克
嗣業而逢康胡引賞而罔徵兮嗟無辜而離殃訊巫咸不
我告兮吾將上懇乎穹蒼

周母趙恭人象贊

代

恭人固始趙氏同知諱振清之女也稟純淑之姿毓禮義

之族在室被教芳華蚤楸年二十歸同邑皇贈朝議大夫
周君學純允鑑瑟琴既絜蘋藻成家之道在茲拍膺之痛
胡及蓋朝議之歿恭人年二十七定黔婁之謚宛轉乎哀
衾祭徐惟之文悽愴于同穴時則尊章咸在遺孤是藐斥
飾總弁卹緯斷蔥齋志未亾之辰檢誨有見之子叔紀婉
婉三士頌其終溫泰瑛嚴明四珍由之鬱起長子蓋臣博
士弟子員入粟得官某部員外郎次子顯臣曰軍功官湖
北候補府經歷布政司理問銜署理竹山縣知縣事成遵
義方之訓具克家之美孝於奉母勤於服官長孫國祺補
博士弟子員神駒軼羣雛鳳振采清則不墜翳恭人是賴
昔者許允之妻覆翼孤子楊綏之母保人夫家循斯懿烈
抑有過焉蓋斤斤執節者四十有九年卒之日戚儻悼怛
行路咨嗟夫其恭儉仁孝慈惠貞絜聞詩聞禮宜室宜家

信足已圖畫甘泉增輝彤管光緒十三年五月某按試鄖陽顯臣時署理鄖陽府經歷兼代理鄖縣知縣事已恭人畫象見眎既居近遷宅夙佩雅操恭副孝思追錄壺範庶徽音無沫遐禩可觀贊曰

懿與節母秉心塞淵如玉斯瑩如金斯堅傷哉君子志脩命促垂白終遠襁褓疇鞠匱匱婦孤集於荼蓼婦任子職母亦師資豐歲拾穗中宵斷機天鑒幽德仍世緝熙登壽耆艾庸兼蕃釐古井無瀾獨爾有絲昭昭白日懷清之臺江蘇候補知縣濮君妻盛氏靈表代

宜人盛氏其先湖人父善襄已吏員推關蕪湖遂占籍焉宜人毓粹洪族含芬弱齡既勤蠶絲旁覽記籍性至孝嘗侍母疾衣不解帶者累月諸兄咸自謂莫及也河東孝女之里比諸曹娥北宮嬰兒之名聞於威后年若干歸今同

知銜江蘇候補知縣濮君某濮君兄弟十一人宜人處娣
姒之間終始婉穆日夜紡績黽勉有以濮君故得澹懷內
顧銳意先典牛衣輟泣厲志乎中宵繭絲成匹不絕乎紵
杼道光二十二年大水宜人請於濮君輸資振卹不足鬻
釵珥益之賂統之姊出私粟曰周里開鄭表之妻頒祿秩
已逮嫺鄒方斯蔑如也輿逆東下蒼黃出走廬井焚蕩不
恆厥居摩敦襁負挽子於風塵主異毀妝全身於鏐鏑時
值新產加喪弱息痛悼哭泣憂勞成瘵哀哀慈母感深歲
博之事悠悠旆旌途窮馬嵬之陂曰咸豐七年十二月十
四日行次溧陽道卒春秋若干子若干人文彬湖北黃州
府經歷洪達洪選俱殤女若干人喪亂未平旅襯漂泊同
泊三年文彬始克輔其喪歸葬蕪湖之某原光緒十二年
某奉命視學湖北文彬曰狀來乞言嘉其追慕聖善久而

逾篤爰作靈表俾鐫貞珉頌曰

上姬之長是曰盛門柏子儷穆駕虬西巡苞惟奭胄廊實
周宗誕衍嘉淑婉順有容思媚媚德克勗母儀始之曰孝
終之曰慈念裁斥飾惠澤方施敬告女史頌言勿欺

結一宦駢體文卷第一 門人仁和樊達璋校字